

王保珍著

秦少游研究

静畧題



王保珍著

秦少游研究

學海出版社

A Study of Chyn Shao You

by

Wang Pao-Chen

Published by Hsveh Hai

May , 1981

保有版權 · 不准翻印

秦少游研究

作者：王保珍

發行人：李善馨

發行所：學海出版社

社址：台北市和平東路一段一二九號之一
(師大綜合大樓)

郵政劃撥帳號：一四三五號

電話：三九一—七六七五

定價：一〇〇元整

中華民國七十年五月一日初版

自序

嘗因研究蘇東坡，於蘇門學士秦少游之著作亦多所涉獵，甚愛其詞作，以其和婉深雋，在詞學上評價至高，有云在東坡詞之上者。乃欲一究其詞之全貌，進一步研探其內在之涵蘊及形式技巧之講究。爲欲一究其詞，必先深悉其人，遂尋其年譜與傳記，惜其研究者不多，論者寥寥（書目已見凡例），不足爲參考。乃有意撰編「秦少游年譜」。凡例中已舉出，王敬之作年譜節要與龍沐勛作年譜簡編，僅列綱目，未加考證，遇有疑義，無從查證。王初蓉作譜，雖附參考資料，而體例未立，引證說明，略嫌蕪雜，且所收亦不完備，可補充者甚多。今所撰之「秦少游年譜」，體例方面，幾等於「創作」，承襲王敬之、龍沐勛二譜者，不過十之二三，於王初蓉亦不過十之五六而已。故補充者甚多，唯重要之處註明「他譜未載」。

作完年譜，對秦少游之一生已能把握若干重點，遂搜尋各種不同版本之詞，欲作深一層研究，然各本序說，顯多繁亂，非一再閱讀，實難明白，因去其繁亂，理出系統而作成「淮海詞版本考略」，以供後之研究者參考。

版本既明，詞之研究工作理應可行。其實不然，正以明瞭諸版本有所闕失，以致詞之研究工

作，勢必暫緩進行。秦少游之作品，崇寧間一度遭禁毀，今宋刊三卷本收七十七首，是否全係少游之作，或是否爲其全部，很難論斷。而今晚出之版本，如全宋詞，謬誤甚多，不宜採用，即如王初蓉之校記本，輯遺詞多至八十七首，數量超過原有之宋刊本，且校記本僅云從何書輯來，於其真僞，未加考訂。故不敢遽用。遂將詞之研究暫予擱置，擬日後另予論著。

由於原擬作詞之研究，近兩年來陸續搜得有關詞話近百種，有關詞之論文數十種。作秦少游年譜已細閱其整個作品，又加以閱讀許多與其有關論述，而得其爲人之大端，而爲之作評傳。

評傳之作，乃融會其平生事跡與各類作品而合撰，採重點式進行。較重要者，如詞之部份，篇幅較長，反之，篇幅較短，或一筆帶過者亦有之。且此評傳，未採用一般之細分章節法，以見條理；而以「一脈貫串法」，以維持其人生之完整性。其所以勇於如此嘗試者，因有賴「秦少游年譜」爲基礎，有此基礎，應能免除「架空說去」空洞之嫌。評論重點之選擇，容或有所主觀，然其論說皆有材料依據與理論支持，非敢臆斷。

茲合年譜、版本考略與評傳曰「秦少游研究」。本書頗具創試性，其粗糙舛誤，在所難免，尙祈高明指教，俾能糾正。

凡例

一、秦少游研究包括秦少游年譜，淮海詞版本考略及秦少游評傳三部份。

二、秦少游年譜，前人撰編者不多，且極簡略。今以王敬之秦淮海先生年譜節要爲底本，參照王初睿秦少游先生年譜加以考訂，增補與重編。

三、王敬之秦淮海年譜節要與龍沐勛秦淮海略（年譜簡編），每年所繫之事，僅列舉事項，多未提出可參證之資料，今爲之提出有關資料，並加以考證與說明，或證其誤，或重新編排，或補充其不足。

四、王初睿秦少游先生年譜所繫各事，雖列舉可參證之資料，然未分條，亦未按月日先後次序排列，考證說明亦不夠簡要，檢閱不便，且亦有許多可補充者，今悉按年繫事，依月日先後排列。凡某年某事，無月日可考者，繫於該年之最後，或繫於同屬某一類事情，另加說明與考證，如此條理分明，易於檢閱。

五、秦少游之作品，採取淮海集及淮海居十長短句箋釋。淮海集有四部備要本與四部叢刊本二種，今以備要本爲主，叢書本參照爲用。凡用備要本者俾書淮海集，用叢刊本者書叢

刊本淮海集，以資分別。詞集甚夥，所以採用淮海居士長短句箋釋者，以其成書較晚，搜集較完備也。

六、淮海詞版本甚衆而且系統不明，今將各種版本以刊行問世之先後排列，依次簡要論述其淵源，內容多寡，指明重點與失誤所在，以便後之研究者參考。

七、秦少游傳記，今可見者東都事略與宋史，極其簡略，僅數百字而已，對其性情學問，平生行事之說明頗嫌不足。今乃以所撰之秦少游年譜爲依據，參照譜主之著作，及有關資料，融會貫通，互相發明，撰編一評傳，俾能對秦少游有更完全，更切實之瞭解，以備作更進一步研究者之參考。

八、秦少游評傳之作，以其人之行事，考其作品寫作狀況及當代評價與影響；又以其作品呈顯之意境，探索其基本性格與平生出處抉擇之動向，故既以其人以明其文，又以其文求知其人，二者相互爲用，而作一體之關照。

九、秦少游評傳之作，多有所依據，引用之處，或註明出處，或有所省略，以其常見或常理可通也，故不贅述。

十、秦少游評傳之作，爲不使傳文過於支離，若干討論與說明，皆移於附註，故其附註，不僅爲材料之提供而已。

秦少游研究目錄

秦少游年譜·····	一
淮海詞版本考略·····	六一
秦少游評傳·····	六九
附：參考書目·····	八七

秦少游年譜

宋仁宗皇祐元年己丑（一〇四九） 一歲

生於九江（今江西省九江縣），寓止僧舍。

書王氏齊壁云：「皇祐元年，余先大父赴官南康，道出九江，余實生焉。滿歲受代，猶寓止僧舍。」（備要本淮海後集卷下）

按：秦瀛重編淮海先生年譜王敬之作年譜節要云：「少游之先世居江南，後徙揚州，爲高郵州（註一）武寧鄉左廂里人。大父承議公，父元化公，母戚氏。元化公師事胡定安先生（註二）。

蘇軾十四歲。

蘇轍十一歲。

黃庭堅五歲。

附註

（註一）高郵州當爲高郵縣。

（註二）李氏夫人墓誌銘云：「至和中先君遊太學，事安定先生胡公。」（淮海集卷十五）

皇祐二年庚寅（一〇五〇）

二歲

皇祐四年壬辰（一〇五二）

四歲

隨大父，寓居南康任所。

按：南康爲宋時虔州，今江西零都縣。就前引書王氏齋壁一文，知觀由大父赴南康任官，出生於九江途中，大父官滿歲受代，彼等猶寓居僧舍，此僧舍當在虔州。據秦瀛編譜則云至五歲時仍居僧舍。

至和元年甲午（一〇五四）

六歲

始入小學

父元化公遊太學來歸。聲稱太學人物之盛，極贊王觀王觀高才力學。

按：淮海集卷十五李氏夫人墓誌銘云：「至和中先君遊太學，事安定先生胡公。歲時歸觀，具言太學人物之盛，數稱海陵王君觀及其從弟觀有高才力學而文流輩無與比者，

余時爲兒，侍左右聞而心慕之，願卽見，蓋不可得。……」王敬之秦淮海先生年譜節要——以下稱年譜節要蓋卽據此編入本年。其實乃至和中之事，年月不可確知，今姑從之繫此。

又云少游名觀，蓋從王觀而得名，其說似可信。

又王初蓉秦少游先生年譜——以下稱王初蓉譜，編以上諸事於明年。

嘉祐三年戊戌（一〇五八） 十歲

略通孝經、論語、孟子大義。

嘉祐八年癸卯（一〇六三） 十五歲

父元化公卒。

英宗治平四年丁未（一〇六七） 十九歲

△娶潭州寧鄉主簿徐成甫之長女文美爲妻。

按淮海集卷十六徐君主簿行狀云：「徐本湘人，祖父時移居高郵。熙寧年間授潭州寧鄉主簿，爲人孝義，好學問，聚書萬卷。欲舉進士，而父祖不從，乃嘆曰：『子當讀書，女必嫁士人。』以長女文美妻少游，如其志也。」

神宗熙寧二年己酉（一〇六九） 二十一歲

作浮山堰賦并引。

按：賦見淮海集卷一。據年譜節要：梁武帝作浮山堰於鍾離，未幾淮水暴漲，堰壞奔于海，下流死者數十萬人，有感而作此賦。

熙寧三年庚戌（一〇七〇） 二十二歲

△叔父秦定登進士第，授會稽尉。

按：秦定仕至端明殿學士，卒葬於江都西山，該地秦家莊，有秦端明定墓。又續資治通鑑長編云：「元祐八年右朝奉郎司農丞秦定爲江南東路轉運判官。元符元年詔命知瀋州。」以上並見年譜節要及補遺。

熙寧五年壬子（一〇七一） 二十四歲

讀兵書，作單騎見虜賦。

按：賦見淮海集卷一，鋪叙郭子儀外弛嚴備，中輸至誠，單騎見回紇之事。

書屯田郎中俞汝尚墓表。

按：熙寧四年孫覺（註一）守吳興，少游爲其幕府。俞汝尚退翁卒，孫覺以爲事類龐公，爲作墓表，由少游書寫。

七月二日作記夢答劉全詩（詩見淮海集卷二）考證見秦瀛譜。

附註

（註一）孫覺，字莘老，高郵人，見宋史卷三四四。

熙寧七年甲寅（一〇七四） 二十六歲

題揚州寺壁，蘇軾見之，遂結爲神交。

觀聞蘇軾爲當代文宗，欲往遊其門。知其將過維揚（揚州）作坡筆語題壁于一山寺中，蘇軾果不能辨，大驚。及見孫覺，孫覺出少游詩詞數百篇，讀之乃嘆曰：「向書寺壁者卽此郎耶！」（冷齋夜話卷一）二人遂結爲神交。

按：增補蘇東坡年譜云此爲本年十月以後事，時爲蘇軾自杭州移密州，途經揚州。

熙寧八年乙卯（一〇七五） 二十七歲

撰徐君主簿行狀及蔡氏夫人行狀。

按：徐君成甫爲少游之岳父。蔡夫人爲徐君成甫之繼室。徐君卒於閏月十八日，二日後夫人蔡氏亦卒，少游爲作之二行狀俱見淮海集卷十六。

熙寧九年丙辰（一〇七六） 二十八歲

八月與孫覺、參寥子、出高郵城往訪漳南道人，同遊湯泉。後獨與參寥入烏江，邀烏江令閻求仁謁項羽祠。得詩三十首。

按：考證見次年。題湯泉詩、題閻求仁虛樂亭詩，並見淮海集卷四。

熙寧十年丁巳（一〇七七） 二十九歲

二月蘇軾改知徐州（見施宿東坡先生年譜）。

四月二十一日蘇軾到徐州任，蘇轍同行。

按：見增補蘇東坡年譜會證頁一二二。

至徐州，謁見蘇軾。

按：施譜與年譜節要皆云秦觀本年謁見蘇軾。王文誥蘇文忠公詩編註集成總案則繫於明年。

和蘇軾蘇轍詩。

按：和子由遊金山詩，與同子瞻端午日遊諸寺賦得深字詩，俱見淮海集卷三。

漳南道人自湯泉來高郵，追叙去年登臨之美。遂作遊湯泉記。

遊湯泉記云：「漳南道人昭慶隱湯泉之山，八月集賢孫公謂其游曰：漳南去幾時已其久，且聞其所寓山水，盍往訪焉，於是余與道人參寥請從之。……翼日出高郵西郭門……明日漳南來逆，相勞苦如平生歡，遂與俱馳七十里至湯泉館惠濟院，院則漳南之所寓也。景申遂浴於湯泉之墟。……越三日，烏江令闔求仁來……入烏江遽求仁調項羽祠。……明年漳南自湯泉來會于高郵，追叙去年登臨之美，且歎日月之速，盛遊之難再也……熙寧十年九月記。」（淮海集卷三八）

作寄老庵賦，記孫覺遊湯泉山築寄老庵事。

按：賦見淮海集卷一。

元豐元年戊午（一〇七八） 三十歲

少游自高郵赴京應試，過徐州再謁蘇軾。至應天謁蘇轍。黃庭堅以古風二首寄上蘇軾。

按：考證見增補蘇東坡年譜會證頁一二六一一二七。

又別子瞻詩有：「請結後期遊汗漫。」句者當作於此。詩見淮海集卷三，後人多引此句以爲後來少游與蘇軾遷調雷州，儋州之先兆。

九月蘇軾於徐築黃樓落成。

十月五日蘇軾爲觀湯泉賦作跋。

按：跋見淮海集卷一附錄，跋尾署元豐七年十月五日。

十二月少游落第，蘇軾作書信相慰云：「解榜不見太虛名字，甚惋惜」（王文誥蘇詩集成總案卷十七）

少游退居高郵，作掩關銘，黃樓賦、歎二鶴賦。

掩關銘云：「元豐初觀舉進士不中，退居高郵，杜門卻掃，以詩書自娛，乃作掩關之銘。」（淮海集卷十五）

黃樓并引：「太守蘇公守彭城之明年，既治河決之變，民以更生，又因修繕其城，作黃樓於東門之上，以爲水受制於土，而土之色黃，故取名焉。樓成使其客高郵秦觀賦之，其詞曰：……」（淮海集卷一）

按：蘇軾得黃樓賦，作謝詩云：「我坐黃樓上，欲作黃樓詩，忽得故人書，中有黃樓詞……雄辭雜古今，中有屈宋姿。」（淮海集卷一黃樓賦後附載）

歎二鶴賦云：「廣陵郡宅之圃有二鶴焉……此紫微錢公之鶴也。公熙寧時實守此邦，心虛一而體道，治清淨而忘言……惟此二鶴與之周旋。……逮公之去，于今幾時，人各有好，鶴誰汝私……噫嘻，有恃而生者，失其所恃則悲。」（淮海集卷一）